

V I R O
G E N E R O S O , P E R - M A G N I F I C O ,
Et Perquam S T R E N U O ,
D O M I N O ,

**D N . F R I D E R I C O
G O T T L I E B
E N G E L C K E ,**

C O N S U L I
hactenus meritissimo ,

Cum

**R E I P U B L I C A E G E D A N E N S I S
P R A E - C O N S U L**

A. M D C C V I I . X V I . C a l e n d . A p r i l .

solenniter creatus esset,

I N C R E M E N T U M D I G N I T A T I S

*inter
cumulatos labores*

deficiente

Vena

properanter

gratulatur

J O H A N N E S E R N E S T U S S C H R O D E R U S ,

R . S . C .

G E D A N I ,

**Typis JOHANNIS ZACHARIAE STOLLII,
ATHEN. TYPOGR.**



VIR, Gravitate potens, soboles generosa Parentis
Magnifici, cujus gloria salva manet.

VIR, splendore nitens Majorum, splendidus ipse
Existens, Proavis splendidiorque tuis.

VIR, meritis celebrer, Virtutum dotibus amplis
Insignis, paucis cedere quiq; soles.

Et, si non Virtute, tamen Patre major Honore,
Qui lauru cingit tempora læta novâ.

Jam mea Musa fugit tenebras, emergere tentans
E squalore, cupit lumen, aprica petit.

Jam juga molitur Parnassi scandere rursus
Ardua, qui dudum non adeundus erat.

Infirmum corpus prohibebat cernere culmen,
Et miseræ tantùm tuta placebat humus.

Nec tamen officium passum tunc damna, dolores
Immodicos inter munere functus eram.

Gratari humanis dum nititur ista Patronis,
In plausu in majus gaudia mentis eunt.

Defessas hilaris vox nuncia venit ad aures,
Quâ vix perferri lætior ulla potest.

PRÆ-CONSUL Patriæ modò, **VIR GENEROSE**, crearis,
Dum **PATRUM** cupidè Te sacer Ordo legit.

Hic Tibi grandis Honos citò adest, ætate virenti,
Ritè frui pauci quo potuère Senes.

Sic augetur Honos, qui penè hîc maximus audit:
Scande gradum tantum, sic propè culmen eris.

Imperium majus nostræ Tibi traditur Urbis,
Quod vegetos animos postulat atq; Viros.

Jam committuntur Fasces, nitidæq; Secures,
Impositumq; lubens suscipis Urbis onus.

Virtutes meruère tuæ, qui fulget, Honorem,
Et meritum non est splendido Honore minus.

Ferventi Famæ & Virtutis amore flagrabas,
Dum Tibi vernantis tempora Veris erant.

Asfiduâq; manu Doctorum maxima Scripta
Volvebas, quorum Nomen in orbe cluet.
Non Te thesaurus Latii, VIR MAGNE, latebat,
Et quicquid doctæ Græcia laudis habet.
Tu conjunxisti studiis nocturna diurnis
Tempora, quò tandem Phœbus amaret opus.
Ingenii multas acies acerrima lingvas
Cepit ovans, alio dum potes ore loqui.
Tum varios hominum moresq;, sitûsq; locorum
Gnaviter exploras, plurima regna vides.
Excultus studiis, longoq; exercitus usu,
Post annos plures vis revocare gradum.
Atq; ita perdoctâ Patriam venerabilis arte
Invisis, reduci quæ sua vota facit.
Ut Lux irradiat quævis splendore corusco,
Atq; latere diu tam manifesta nequit:
Sic tua præstrinxit PROCERUM mox lumina Virtus,
Dotibus ut tantis jure faveret amor.
Nec sine Honore diu fluxerunt tempora Vitæ,
Qui magis accrevit, dum Tibi grandis adest.
Hunc cape, mercedem meritorum sume tuorum,
Hæc cape Virtutis præmia magna tuæ.
Hos cape, debentur qui non sine laude, verendos
Fasces, qui censu nobiliore beant.
Nosce voluntatem, studium, munusq; Senatûs,
Majori magnum qui cumulare studet.
Te Themis, & Pitho, Te Musæ, & Præses Apollo,
Agnovêre suum, Te quoq; Confus amat.
Consiliis animosus eris, quæ tempora poscunt
Aspera, dum mutet tristia fata DEUS.
Astræam VIR porrò coles GENEROSE fovendo,
Conservans æquum, jura sacrata, fidem.
Te Cives cupiunt, populus desiderat omnis,
Te Fora, Tecta volunt, Curia nostra cupit.

Aggre-

Aggredere hoc magnum permagno pectore Munus,
Imple spem, qualem concipit Urbis amor.
Cives ac reliquos moderatâ mente governa,
Magnificæ laudis quò cumuletur honor.
E speculâ fluctûs tempestatesqve futuras
Prospice, ne noceant, Consiliisq; vige.
Sic clavum moderare tuum, quò vota Senatûs
Fervida quisq; colat, laudet & ore pio.
Non nisi sis comis, mitis, facilisq;, jacentes
Cùm grave consilium subsidiumq; petunt.
Optatam Patriæ fer opem, magnamq; salutem,
Non Te commoveat turbo, fremensve salum.
Et rege firmatam sic æquis legibus Urbem,
Quò sit constanter publica salva Salus.
Sic tua Laus magni renovabit magna Parentis
Laudem, quæ in Nato jam rediviva viret.
Gratia Coelestis servet Tibi corporis omnes
Præstantis vires, ingeniiq; decus.
Omne malum mutet NUMEN, discrimina vertat,
Ac omnem morbi tollat adusq; metum.
Sit felix hic grandis Honos, ad culmina ducens,
Quo vix hîc major nobiliorq; datur.
Te mansura Salus, Fortuna, & Vita coronent,
Sorsq; beet meritis splendida digna tuis.
Gaudia Te cingant faustum, Te tanta maritet
Prosperitas, quantam mente vovere licet.
Dum volo plura, vigor periit, mea Musa fatiscens
Deficit, exhausto robore plura negat.
Adspice molimen nostrum studiumq; benigno
Vultu, quod pietas officiosa jubet.
Accrescant Tituli, crescant Tibi semper Honores,
Crescat Fama, Nitor crescat, & aucta Salus.

